

big Geschlecht geflossen / zugeeygnet / vnd nach dem Sündflusß vnder sie in drey gleiche theyl getheylet / Als Asia / Europa / vnd Africa.

Asia fahet an von Mittag / vnd zeucht durch Aufgang der Sonnen / vñ endet sich gegen Mitternacht. Dis theyl Erdtrichs hat Sem von Noe empfangen vnd mit seinen siben vnd zwenzig geschlechtern ingehabt vnd besessen / von denen die freien menschen entsprossen seindt.

Europa das ander theyl des Erdtrichs / enepfahet seinen anfang von Mitternacht / vnd erreychet sein ende gegen der Sonnen Nidergang / vnd hat Japhet dis theyl Erdtrichs von Noe inngezommen / vñ mit seinen fünffzehen Geschlechtern inngehabt vnd bewonet / vnd ist der Adel / die Ritter vnd Rittermessigen auß ihnen gewurckelt.

Africa das dritthyl des Erdtrichs / hat seinen anhab von Nidergang der Sonnen / vnd erstreckt sich bis zu anfang des Mittags. Diese gegene ist Cham zugetheilt / vñ hat die mit seinen dreissig geschlechtern besessen vnd verwaltet / vnd seindt von ihm die Baur / die Knecht / das seindt die eygen leut / entsprossen.

Wie die drey obgeschriebene theyl ferrer vnderschieden seindt.

**D**iese oben angezeygten drey theyl der Welt / seindt fürther vnderschieden vñ getheylt worden / in Lande / die Lande in Königreich / die Königreich inn Fürstenthumb / Herzogthumb / Marggraffschafften / Herrschafften / &c. Dieselben Gegne / Felder / Bemarcken / Gewänden / Ecker / Weingarten / Morgen / Zucharten / Maßmat / Tagwerck / &c. Demnach hat ein jedes Land / Statt / Fleck / Dorffe / Weiler / &c. in seinem Felde / gewenden / eygen theylung / eygen Meßruten / maß vnd namen angenommen / wie Barro in seinem ersten Buch das er zu Fundana seiner Haußfrawen / von den Bewrischen dingen / im zehen

A iij den